

testantur, quod unum veniat ab orienti & alterum ab occidente, fi-
antque unum, quid plus administratur hisce, quam mixtio in suo
vase, calor temperatus & nutrimentum? Vas quidem artificiale est
sed in hoc differentia non committitur, sive nidus ab ipsa gallina
fiat, sive à rustica incerto quodam loco (ut solet) ordinetur, eadem
erit ovorum generatio & ex illis pullorum exclusio. Calor est res
naturalis, sive ab igne temperato veniat furnorum & simi putredi-
nis, vel sole & aëre, vel matris visceribus, aut aliunde: sic Ægyptus
calorem ovis excludendis arte naturalem administrat per suos fur-
nos: Bombycum semina, imò & ova gallinacea virginearum mam-
marum teapore exclusa leguntur: Ars itaque & natura mutuas sibi
manus conferunt, ita ut hæc illius vicaria fiat & illa hujus: Nihilo-
minus Natura manet Domina & ars ancilla. CUR VERO TERRA
dicatur nutrix Nati Philosophici, dubium alicui movere posset,
cùm terra inter elementa sit maximè exucca & arida, cui siccitas ut
propria qualitas accidat? At respondēdum, quod terra elementata
hic intelligatur, non Elementum, cujus in Septimanæ philosophi-
cæ primo die abundè meminimus, naturamque explicavimus:
Hæc nutrix est Cœli, non quod solvat, lavet aut humectet fœtum,
sed coagulet, figat & coloret, inque succum & sanguinem merum
convertat. Nutritio enim augmentationem in longum, latum &
profundum, hoc est, per omnes corporis dimensiones se extenden-
tem complectitur, quæ cùm hic adsit & à sola terra præstetur fœtu*i*
philosophico, non immerito nutricis nomine terra appellanda erit:
At contrarium quid cœteris lactis generibus, quæ convertuntur &
non convertunt, in hoc admirando succo terrestri contingit, cum
propter vim ejus fortissimam valde alteret naturam nutriti, quem-
admodum lupæ lac Remuli corpus in naturam animosam & ad bel-
lum promptam disposuisse creditur.

C ii Sche

AMMELDUNG